

QK 1,6

(X1883944)

K

Q. D. B. V.

In
2913a

DE
**ANTIQUA
SAXONVM
DIGNITATE,**

Ex antiquis Saxoniae monumentis pro-
nunciabit et differet,

PRAESIDE
**CONRADOSAMVELE
SCHVRZFLEISCHIO,**
h. t. Academiae Vitembergensis
Rector Magnifico ,
GEORGIVS RVTOLPHVS A KÄHLI /

Eqves Misnicus ,

In Auditorio Maiori,

ad d. XIV. Maii, A. M DC XCIX.

CVM PRIVILEGIO SEREN. EL. SAXON.


Disputatio LXV.

LIPSIAE, Apud NICOLAVM SCIPIONEM.

clc Ioc XCIX.

27







I.



Mnium rerum, qvas natura gignit, parva initia sunt, qvae sensim multarum accessione partium augentur, et incrementa capiunt, paulatimqve iuncta firmius consistunt. Non secus magni principatus, modicis qvidem fundati opibus, firmati postea et vehementer aucti, suis iam et validis mole viribus sustinentur. Illi autem maxime stabiles et diuturni sunt, qvi ratione et eonsilio vires temperant, remqve publicam non magis amplam, qvam tu tam habent, et suas cuiqve fortunas ac dignitates, salva iuris aeqvalitate conservant. Qvae ut rara est Imperiorum felicitas, sic propria Saxonum, ac fere praecipua fuit, qvorum Principes non arbitria, sed pacta semper pro legibus habuerunt.

II.

Etenim praeter ceteros Germaniae populos summope re Saxones ab externo imperio et dominatu abhorruerunt, ac peregrini moris odio, maiorum instituta, qva ad libertatem attinebant, constanter servarunt, eaqve perinde ac scriptas leges, etiam cum scriptis nondum uterentur legibus, tuenda suscep runt, atqve usu confirmarunt. Ingenue Tacitus tradit, *plus ibi (in Germania) bonos mores valere, quam alibi bonas leges.* Non tantum apud Cattos et Batavos, qvos e Belgio, ubi pro Romanis curabat, proprius vidi Tacitus, et aestimavit, sed etiam apud Saxones, qvamvis hoc nomine minus cognitos, rebus tamen factisqve, postqvam occasione data, eorum industria se commovit neutris inferiores et alteris fide, qvod ex Marcellino liqvet, alteris, qvod ex Tacito, et scriptoribus aliis colligo, con-

A 2

cor-

cordiae studio potiores, ceteroquin acres semper, et bellicosos, ut vel hac de causa a multis, non sine laudis bellicae invidia, feri et feroce*s* ac truculent*i* appellantur.

* Prima Saxonum mentio est apud Ptolemeum *Geograph.* lib. II. cap. II. Caesar, Strabo, Mesa, Plinius, Tacitus, nihil de his tradunt, quod bellorum fama nondum cogniti, vitam quiete et silentio transigerent, nec Romani Imperii limitem invaderent, nec vicinos oppugnarent. postea rebus gestis clari, atque e finibus suis egressi, Romanis causam belli, et scribendi argumentum praebuerunt. Qvod imperante Diocletiano accidit, ubi maritimam Galliae oram infestarunt, *Eutropius* l. IX. c. 13. Haud tranquilliores erant sub Juliani tempora, cum Francos Salios la-cesserent, eosque pellere sedibus, et Bataviae possessione, adniterentur. *Zosimus* l. III. c. 6. qui fortissimos vocat, et animi corporisque viribus praestare omnibus vicinis tradit, sed errore ductus, Chamavos, veterum partem Saxonum, a Quadi situ locorum disiunctis, et Sarmatarum finitimi, pro eo ac fieri oportuit, non distinxit, in quo praeivit Julianus, et idoneus distingvendi auctor fuit. In epistola ad Senatum populumque Atheniensem scripta. Suffragatur ingenuus scriptor, et Gallicae expe-ditionis socius, *Ammianus Marcellinus*, lib. XVII. c. 9. et paulo post de Quadi eodem libro, cap. 12. Minus accurate, ut alias, Cluverius Cauchos legi mavult, quam Chamavos, *German. antiqu.* l. c. 21. Quem secuti sunt Reinesius, et quod miror, Conringius, viri utique lectione et ingenio maxime limati. In primis hic arguendus est Aeg. Bucherius, qui nescio quos Quados Saxones confinxit. *Belg. Rom.* l. X. c. 10. Saxones tunc repressi, non diu quietern, et eruptione facta, Valentinianno novum denuo periculum conflagrunt. *Orosius* l. VII. c. 32. Nec postea ab incepto destiterunt, Romanosque fatigarunt, et bello etiam navaliter, permulta illis damna, praesertim in litore Gallico, intulerunt. Qvod magno consensu affirmant, *Marcellinus* l. XXVII. c. 8. et XXVIII. c. 5. Hieronymus in *Chronico ann. CCCLXXVIII.* ex eoque Cassiodorus et Orosius, quamvis in annorum supputatione dissentientes. Respexit ad hoc bellum Symmachus, lib. II. Ep. 46. Pacatus panegyristes Theodosii, quem laudavit, aequalis, Claudianus in panegyrico II. Stiliconis. Apollinaris Sidonius l. IIX. ep. 6. Vbi pandos eorum myoparones (naves piraticas) describit. Et libri eiusdem ep. 9. et in panegyrico Aviti p. 370. Quae causa fuit, cur Romani constituerent praefectum maris Gallici, qui Sa-

xones

xones aditu litorum, et excensione in continentem prohiberet. Idcirco in notitia Veteris Imperii legitur COMES LITTORIS SAXONICI. Missam facio narrationem Saxonis Sialandici de antiquo Saxoniae regno ad Danos translato, cuius pudet cordatos peritosque rerum Saxoniarum scriptores. Nec tamen inficior, Saxones, priusquam Dei munere et beneficio, religionem Christianam amplexi sunt, bellandi cupiditate, et agendi impetu magis concitatos reprehensionem Christianorum vix effugere potuisse. Inter quos Salvianus l. IV. Gildas sapiens in epistola, de excidio et conquestu Brit. Lupus Ferrariensis in vita V Vigberti cap. XIII. Eginhartus de vita Karoli M. Monachus Paderbornensis, Saxo ipse, et pristini moris memor, duros et feroce, appellavit.

III.

Omnino autem id conveniebat temperationi reipublicae, et ingenio gentis, quae cum in vitae negotiis solertiam, tum in consiliis et conventibus publicis prudentiam declarabat, rationesque mixti Imperii primo, et populari suo imperio accommodabat: deinde post multas aetates et secula conversis Germaniae rebus, et auspicio Francorum, mutata patriae facie, et imperandi forma, legitimos Principes accipiebat. Ex quo tempore principatus, legibus constitutos, habere coepit, atque omnia eo retulit, ut secundum leges et pacta, quibus coaliuerunt, et fundati sunt, res gravissimae iudicarentur, neque procurum, et populi suffragia, praesertim in causa ad salutem publicam et libertatem pertinente, negligerentur.

* Vel unius Bedae Angli Saxonis auctoritas mihi sufficit, quo nemmo veteris Saxoniae peritior fuit. Non habent, inquit, Regem antiqui Saxones, sed Satrapas plurimos suae genti praepositos, qui ingruente belli articulo, mittunt aequaliter sortes, et quemcunque sors ostenderit, hunc tempore belli ducem omnes sequuntur, et huic obtemperant, peracto autem bello, rursum aequalis potentiae omnes sunt Satrapae. L. V. c. II. Ecclesiast. Histor. gentis Anglorum. Ex eo lineas duxit praestantissimus rerum Saxoniarum scriptor VVitichindus, monachus Córbeiensis, cui cum Beda antiquissimo eius gentis historico prorsus convenit, nec minor ei fides debetur. A tribus Principibus totius gentis Ducatus administrab-

strabatur, certis terminis exercitus congregandi potestate contentis, quos suis locis ac vocabulis novimus signatos, in Orientales scilicet populos, Angarios atque *Vestphalos*. Si autem universale bellum ingrueret, forte (sorte) eligitur cui omnes obedire oporteat, ad administrandum imminens bellum. *Annalium Sax.* lib. I. Tres Principes nominat, quos Beda Satrapas, Annales Francorum potentes regionis, alii primores et Comites appellant, ad rem publicam administrandum delectos, eosque non humili loco natos, sed illustri genere prognatos, et Optimatum auctoritate praeditos, atque in *Adelingis* Saxonum numeratos, ex quibus suos quisque populus duces sibi designavit, qui pacis tempore praecessent, et nulli ab aliis dependerent, sed populo obnoxii, summam rerum administrarent, unus apud Angarios, tertius apud *Vestphalos*, id est, Saxones antiquos citra et ultra Visurgim ad Rhenum usque porrectos. Nam transalbini Saxones, qui Holsatia potiebantur, haud aliam regendi rationem tenuerunt, et cognatis, atque ab suo solo profectis gentibus imperii, ac moris aviti exempla tradiderunt. Albertus Cranzius non ex monumentis, sed fama adductus scribit, *duodecim proceres citeriorem Saxoniam alternis vicibus administrasse*, *Saxoniae lib. II. c. 22.* Quem sequitur Io. Iustus Vinckelmannus in *notitia Veteris Saxo-Vestphaliae cap. X.* Ante cum Albinus in Aulaeo vetere Saxonico. At Vitechindus sua aetate tres duntaxat commemoravit, Beda non definito numero extulit, et quia plurimos vocat, tribus plures sub id tempus fuisse, indicavit. Sed quando bellum gerebant Saxones, communis trium populorum sententia et voluntate Dux electus est, tantisper administratus, dum arma ferrent, et hosti se obiicerent, bello denique confecto, ad pristinum statum redirent.

IV.

Haec consuetudo semper valuit, et inde ab ultimis reipublicae initii continenter duravit, ac servata est: inde scriptis mandata, atque in tabulas, rerum gestarum testes, relata, pactis lucem affert, eorumque benignam interpretationem ipso vetustatis praesidio tuetur. Cum enim aliae gentes, sigillatim Alemanni et Boii veteres, impari conditione in Francorum civitate ascriberentur: tum Saxones, praesertim primores ac nobiles illius populi, cum Francis exaequati, et eodem loco numeroque habiti, nec modo non ad servitutem, sed ne ad statum

tum qvidem Francis inferiorem, nedum ad conditionem illis deteriorem redacti sunt, ac pari aeqvove iure, et qvod hinc sequitur, in columni semper libertate, coniuncti permanserunt.

* Eginhartus fide dignus, et rerum, per illud tempus, pace bello-que gestarum insigniter peritus, scribit. Ea conditione a Rege (Karolo M.) proposita, et ab illis (Saxonibus) suscepta, tractum per tot annos (XXXIII.) bellum constat esse finitum, ut abiecto daemonum cultu, et relictis patriis ceremoniis, Christianae fidei atque religionis sacramenta susciperent, et Francis adunati, unus cum eis populus efficerentur. De vita Karoli M. Ex eo Poeta Saxonum antiquissimus, idemque monachus Paderbornensis, rei gestae veritatem oratione numeris vincita expressit, annalium de gestis Karoli M. l. IIII.

*Tum sub iudicibus, quos Rex imponeret ipsis,
Legatisque suis, permisso legibus uti
Saxones patriis, et libertatis honore.
Hoc sunt postremo sociati foedere Francis,
Ut gens et populus fieret concorditer unus,
Ac semper Regi parens aequaliter uni.*

Post utrosque Vitichindus VVAlbea Saxo, et in veteri Saxonia apud Visurgim monachus, Ottonis temporum aequalis lib. I. annal. Ob id qui olim socii et amici (ac diu etiam hostes) erant Francorum, iam fratres, et quasi una gens ex Christiana fide, veluti modo videmus, facta est. Haud aliter tradit Adamus Bremensis, et ipsa Eginharti verba reddidit, ac factam utriusque populi coniunctionem denuo confirmavit. Tantum in numeris mendum est, qvoniam tres et triginta belli Saxonici annos supputare et scribere debuisset. Hist. Eccles. lib. I. cap. 7.

V.

Caput causae in eo positum est, qvod Saxonia non Francorum provincia, sed socia et consors civitatis effecta, hac conditione Karolo Francorum Regi fidem astrinxit, ut verorum partes civium obiret, et membrorum atque dignorum locum teneret.

* Praesidium sententiae in pervetustis Francorum Saxonumque scriptoribus extat, qvorum vestigia sequor, et Vitechindum, cum res Saxon-

Saxonicas perscribit, Saxoniamque serva liberam, ex tributaria multarum gentium dominam esse factam, commemorat, opportune declaro, atque in eam sententiam expono, ut non de Francis, qui Saxoniam non fecerunt servam, neque in servitutem redegerunt, sed de Vngaricis Normanicisque irruptionibus intelligatur, quibus Franci, rebus familiae conversis, impares erant, ac furorem barbarorum compescere non poterant, usque dum Francorum Saxonumque Reges Henricus, et Otto M. iugo eorum depulso, non minus Saxones, quam ceteros Germanos armis defenderent, ac vastitatem, et captitatem, a finibus patriae et populo Saxonum ductu auspicioque suo prohiberent. Ipse Karolus M. in diplomate A. DCCLXXXVIII. edito fatetur, *Saxones semper indomabiles, apud Adamum Bremensem H. E. I. I. c. 10.* ex quo descripsit Cranzius *Saxon. lib. II. c. 15.* Alii dicunt, *fidei subditos*, non servos, nec sub iugum missos, neque in provinciam redactos, sed in libertate sua relictos, et pacto Caroli cum Saxonum primoribus initio confirmatos. Qvorum sum respexit prudens, et rerum peritus, Hugo Grotius, *de iure B. et P. lib. I. c. 3. n. 7.* Atque hunc ad locum tot animadversores et interpretes nihil, quod momentum civile habeat, annotarunt. Quemadmodum vero ius civitatis, sic et ius comitiorum Saxones habuerunt: quo siebat, ut in terra ditionis Saxonicae conventus, auspicio tamen Regis, et praefente eius legato, instituere et habere possent, propter commune perfectae societatis vinculum, quo Franci Saxonesque sub uno et summo capite iungebantur. Hoc evincere est auctoritate sanctionis Karoline, confirmantis aequale ius trium Saxonie populorum, quorum proceres sigillatim hac dignitate olim gaudebant: transalbini enim postea Saxones, nullo principe interiecto, Regibus Francorum parebant. *V. Capitulare de partibus Saxonia, prius, a Luca Holstenio, alterum a Ferdinando Antistite Paderbornensi, omnium nostra memoria Antistitum Germaniae doctissimo, evulgatum.*

VI.

Eadem imperii mansuetudine populos civitate sua donatos rexerunt, traditoque a maioribus more, nulla uspiam herilis imperii vestigia reliquerunt, et prolato ultra Oceanum imperio, * Saxoniam transmarinam, diu ante Francos Carolingos, novo auspicio condiderunt, eamque aequis ac Saxonidis legibus

legibus sapienter perinde ac fortiter tenuerunt, certe ea moderatione usi sunt, quae in advenis vix sperari potuit, et a proximo Anglorum Rege haud servata est, cum libera illa praepotens-que natio administrationem legibus consentaneam desideraret.

* Saxones a Britonibus, quorum Rex Vortigernus erat, invitati, Pictos Scotosque Britonum hostes profligarunt, et locum, ubi consisterent, ac regnum defenderent, pacti, magnam postea eius insulae partem ditioni suae subiecerunt, eique nomen Angliae imposuerunt. Beda, indigena testis, illos ex antiqua Saxonum regione, Hengisto et Horsa ducibus, profectos testatur, nominatque *Saxones Orientales*, meridianos et occiduos, *Anglos item et Vitas*, sive, ut alii vocant, Iutas, aut Gutos, quia Cimbrica Chersonesus, quae nunc Iutia dicitur, Saxonum imperio tenebatur. lib. I. c. 25. *Lupus in vita Vigberti cap. 1. Guili. Malmesburiensis lib. I. c. 1. de gest. reg. Angl. Chronicon vetus*, quod Edmundus Gibson convertit, p. 12. *Chronologia vetus Anglo-Saxonica*, quam Ab. VVhelocus Latinam fecit, in qua haec leguntur. *De tribus Germaniae provinciis* venerunt: *de Saxonia antiqua, de Anglis Iutisque*. Sed in anno error inest, propterea quod Saxones anno CCCC. XLIX in Britanniam adventarunt: secus atque dictus Chronologiae auctor numeravit. An. CCCCXLVII. Praeter eos Vitechindus et Cranzius, ille annal. lib. I. *Iste Saxoniae lib. I. cap. 20.* Nec vero Saxonia pulsi, sed accersiti et rogati, in Britanniam navigarunt, contra quam tradunt Ninius compilator, et Io. Gerbrandus Leidensis. Naves longae, quibus usi sunt, cœulas nominarunt, auctore, quem praedixi, Guilelmo Malmesburiensi. At nomen *Angliae* non statim insulae additum, sed serius, et sub Ina tempus primo coeptum videtur, indicio veteris elegi, stante adhuc Saxonum *heptarchia*, scripti, in quo legitur *Anglia*, et plaudere iubetur. E diverso alii huius nominis initium ab Egberto repetunt, qui Ina Saxonum Occidentalium Rege posterior, ante omnes usurpasse dicitur et introduxisse, postquam septem regna coniunxit, eaque in unum et praepotens illius insulae regnum, monarchæ titulo, conflavit. *Apud domesticos et externos scriptores, Camdenum, Verstegan, Georg. Lilium, Chytraeum, Microrium, recentiores fere omnes.* Vt cunqye se res habet: Iutae veteres, praesertim meridionales, non tantum socii Saxonum, sed etiam ditionis Saxonicae, et Germaniae adeo veteris et magnae finibus descripti erant.

V. Daniel Langhornius in antiquitatibus Albionensibus. Regum cetero-
quin auctoritas communia legibus, et contra licentiam ac libidinem
firma, tempore Egberti, qui heptarchian sustulit, magis corroborata, post-
ea temporum vitio nonnunquam afflita, Danorumque irruptione tur-
bata, demum a Gvilemo Conquaeatore ad fastigium potentiae evecta,
ut unus ille tunc novo auspicio, et suo arbitratu, ac belli iure imperaret.
At ubi virilis sexus Gvilemi, in Henrico I. eius filio defecit, inde a tem-
pore Stephani, Regis Henrici sororis filii, procerum dignitas se extulit
maximopere et aucta est, Henrico praesertim tertio, et Edovardo I. re-
gnantibus, usque adeo, ut alteri, non stanti decretis Oxoniensibus, pa-
lam obliterent: alteri quoque hanc conditionem exprimerent, ut nulla
deinceps tributa, nisi regni Ordinum suffragio, exigerentur. Haud
parvum eo momentum attulit iactura provinciarum, trans mare fita-
rum, quae ut in Regum Normannicorum patrimonio erant, sic inclina-
tis eorum rebus prodesse poterant et commode opitulari. Ab eo igitur
tempore, et sigillatim ab anno MCCXCVIII. decreta Comitiorum pra-
sidia securitatis, et vincula ac nervi libertatis fuerunt.

VII.

Nec solum transmarini, verum etiam maritimi, et medi-
terranei in primis Saxones, horumque conditores et parentes
eadem comitiorum libertate rempublicam fundarunt, et ab ul-
timo gentis initio, in huius possessione dignitatis confirmati,
non fidem, neque officium erga Principes suos deseruerunt, sed
pro salute et auctoritate eorum omnia experiri et facere coe-
perunt, opes et sanguinem profundere parati, si necessitas po-
stularet.

* Servos quidem et sordidos abiectosque homines luce reipubli-
cae et comitiorum indignos censuerunt, sed *NOBILES* et *INGENIOS*,
sive ut quondam more patrio loquebantur, *EDELINGOS* et *FRILIN-
GOS* per liberaliter habuerunt, illosque ad comitia vocarunt, quorum
alteri quidem primores gentis, alteri ordine ac dignitate inferiores, ae-
qua libertate fruebantur: sed in comitiis illorum praecipue erat aucto-
ritas, et suffragium valebat, imo et in firmandis donationum concessio-
numque tabulis consensus requirebatur. Ius convocandi penes Re-
gem erat, cuius nomine Legati convocabant, et praeceperant, ad Regem-
que

que referebant. Non eadem tunc Frisorum, quae Saxonum, dignitas fuit: quicquid contra sentiat Joannes Gryphiander, in erudito, quem de *VVeichbildis Saxonice inscrispit*, *commentario cap. XXVI*. Non equidem in servitutem dati sunt, sed ideo in ordinem civium regni Francici cooptatos, nemo veterum scripsit. Constant haec et colliguntur facile ex *Eginbarto*, et *Karolini aevi monumentis*, quae fidem faciant, Saxones in societatem reipublicae ascitos Frisos in sola parendi conditione reliatos. Haec igitur causa fuit, cur more Francorum regerentur Saxones, constitutis ad id magistratibus, qui operam darent, ut haud aliter, ac Franci haberentur, et in societatem regni, atque in civitatem recepti, paria cum illis facerent, et eadem conditione Regibus subessent. Magistratus enim, quos accipiebant, aut ordinarii erant, aut extraordinarii: isti *Comites*, *Judices*, et *Teutonica loqvendi consuetudine*, *Graviones*: hi *Legati*, et ius Francorum, *Missi dicebantur*, ab iisque non magis Saxones, quam Franci, summo Regis auspicio, regebantur. Qui curabant publica regni negotia, et praesidebant iudiciis, ac iudiciorum assessores eligebant, populisque ius dicebant, et rempublicam administrabant, ac pacis et belli munia capiebant, et vicaria potestate obibant, omnemque adeo iurisdictionem in Vrbibus, et Viciis insignioribus habebant.

VIII.

Transalbini quidem, et ulteriores, ad Cimbricam usque porrecti Saxones, addictius habiti, et secus atque ceteri, patrimonio regni Franco - Teutonici a Carolingis servati sunt, sed conditionem virtute ac genere suo dignam sub Imperatoribus Vitikindi posteris receperunt, et fines Imperii auspiciis Germanicis constitutos, summa fide et fortitudine tuendos susceperunt, reiectis hostibus ac repressis, qui rupto *Borealis Saxoniae limite*, gentis opprimere libertatem connitebantur.

* Documento est *Cismarina Dania*, quam veteres, et ingenui rerum Germanicarum scriptores vocant, quae antea Saxonibus paruit, denuo armis Saxonum, et auspicio ductuque Ottonis Vitikindei Saxonis est recepta. Extincta enim Francorum familia regnatrice, evenit, ut Saxo-

num Dux Henricus, praeteritis ex gravi causa Francorum primoribus, regni Germanici fastigio imponeretur, et Regis etiam Franci iudicio, omnibus aliis, et fratri, quem regius sanguis commendare potuit, praeponceretur. Huius filius Otto, a rebus, quas gessit, magni cognomine appellatus, Iutiam Haroldo extorsit, et postiunio recepit, eamque in tria amplissima sacerdotia (*episcopatus*) divisit, et constituta apud Hammaburgenses metropoli, Cimbricam in ditione sua habuit, Daniamque ipsam lege beneficiaria sibi devinxit. *Adamus Bremensis hist. Eccles. lib. II. c. 2.* ex eoque *Albertus Stadensis ad A. DCCCCXLVIII.* Neutra cum Francis pari libertate coaluit, neque Albion, ut vulgo putant, transalbinorum Saxonum dux fuit, qui regnante Carolo inter Saxonum primores locum tenuit, ac Vitikindi socius, cum Rege Francorum ad pacis tandem conditiones descendit, anno Christi DCCXXCVI. Attinaci sacris initiatus. Neque enim tempore Caroli M. neque ab eius excessu, Saxonia transalbina ducem accepit, sed Francis iam extinctis, Otto M. suo demum auspicio principem hereditarium Nordalbingiae regioni imposuit, et iure perpetuo confirmavit. *Ad. Bremensis lib. II. c. 4.* Confugit eo Albion, et aliquandiu, viribus bello fractis, delituit, sed ducis titulo nihil ibi possidendum accepit. Id quod ex *Eginbarto*, et scriptoribus proximis, certum manifestumque est, ut maxime recentiores aliter scribant, *Ioannes Petersen Chr. Holsat. part. I.* et nuper admodum *Nicolaus Schaten in annalium Paderbornensium libro I. ann. 786.* Quapropter Monachus Divionensis, a *Luca Dacherio* editus, et Eginhartum, quem supra nominavi, secutus, tantum intelligendus est de primoribus veterum Saxonum, intra Albim, Visurgim et Rhenum, id est, Angorum, Vestphalorum et Ostphalorum fines, exclusis, quos memoravi, transalbinis. *tom. I. spicil. ad an. DCCLXXVII.* Novus deinde Saxoniae Borealis limes, versus Duniam, constitutus est, et colonia Slesvicum ducta, ac praesidio limitis firmata. *Adamus Bremensis rerum aequae Saxoniarum ac Danicarum peritissimus, lib. I. cap. 47.* Henricus (Rex Germaniae primus huius nominis) victor apud Slesvici (Slesvicum Cimbricae, hodie Iutiae australis, oppidum) quae nunc Heidaba (aliis Hedeby) dicitur, regni (Germanici) terminos ponens, (limitibus distingvens) ibi et Marchionem statuit, (praefectum tuendis finibus imposuit, qui Comes limitis provinciae, cum dignitate principali erat, nostrisque Comes Marcae, et Marchio dicebatur) et Saxonum coloniam habitare praecepit.

Hanc

Hanc postea infestarunt Dani, et delere conati sunt, qvod ex eodem patet, lib. II. c. 2. Ea de causa Otto, comparavit exercitum, et Danorum iniurias ultus est, Regemque latis iure belli conditionibus stare coegit, ut paulo ante dixi. Sliasvich Adami nonnunquam *Slasvvigh*, aliter *Sliesvvich*, ut *Reginoni*, *Slieftorfh*, ac *Slietorp*, *imo* et *Elietorp*. (mendose opinor) in priscis Francorum monimentis scriptum legitur, caput ducatus huius nominis, et oppidum eius regionis per antiquum, a Slia flumine, qvod in mare Balticum influit, appellatum. Nunc est ducatus sui iuris, et extra fines veteris Saxoniae Germaniaeque constitutus, et a Daniae quoque regno per superiora pacta, novissime confirmata, separatus. Qvod argumento est, fines Saxoniae transalbinae magis prolatos, et ultra Eidoram, regni quondam Karolini limitem, in ipsam usque Cimbricam promotos. Atque haec illa est *Saxonia trans Albiam*, quae in Francorum tabulis vocatur, eaque de causa nominatur *regio, et transalbianorum*. Diplomata extant apud Erp. Lindenbrogium, Arnold. Huitfeldium, Io. Is. Pontanum, Philippum Caesarem, P. Lambecium, et Ioach. Ioan. Maderum. Haec ipsa adeo transalbina regio ex eo tempore, quo Hermannus hereditario iure dux constitutus est, Comites habere desiit, et cum reliqua Saxonia Billinganae stirpi attributa est, tantisper dum mares superessent, quibus extinctis, concessu beneficioque Henrici V. pervenit ad Lotharium, Supplenburgum: ab hoc deinde fiduciaria legge, anno M CXXXVI. ducatus Saxoniae assignatus traditusque est Henrico Guelfo, cognomine superbo: transalbinae autem Saxoniae partes, Holsatia, Stormaria, et Vagria, ab eodem concessae et attributae sunt Adolpho, Comiti Schovvenburgico, manente nihilominus clientelae vinculo, quo ducatui Saxoniae annexebantur. Post has vicissitudines, Henricus Leo, Superbi filius, a Friderico Aenobarbo, ducatu Saxoniae multatus, et proscriptus est, quae occasio fuit dissolvendi nexus, quo antea Comes Holsatiae astringebatur Saxoniae Duci, ut nullo deinceps intericto, Imperatori obligaret fidem. Ad haec, et superiora plene confirmanda legi oportet Adamum Bremensem, Albertum Stadensem Helmoldum, Arnaldum Lubecensem, Hermannum Lerbeke, Albertum Cranzium, Io. Adolphum Cypraeum, et vetus Chronicon Saxonicum MS.

IX.

Arctioribus deinde finibus est circumscriptus Saxoniae ducatus, separato, ut tunc erat, Holsatiae comitatu, et detractis

B 3

An-

Angriae et Vestphaliae ducatis, servato nihilominus titulo,
et ab Ascaniis Saxonibus, horumque agnatis Lauenburgicis con-
tinuato, atque his extinctis, a Saxonibus Vetinensibus, nuper
A. MDVII. assumpto, et iure per Caesareae concessionis tabulas acquisito,
28. Julii ut ducatus superior, qui Saxo-Sorabici nominis ambitu conti-
Constantiae. netur, cum ducatu inferiori, quae finibus Lauenburgicae ditio-
nis includitur, coalesceret denuo, et his adeo incrementis post-
liminio augeretur.

* Ducatus Saxonius saepe mutavit duces ac dominos, atque ex
inferiori Saxonia migravit in hunc superiorem, et Saxo-Sorabicum tra-
ctum, qui antea in Vestphalia, et Ostphalia, tum in transalbina, et specia-
tim in eius regione, modicis finibus descripta, constitutus, ac deinde in
hanc terram et regionem promotus, atque eligendi imperatoris iure et
dignitate auctus, extincta Saxonum Ascaniorum familia, quod An.
MCCCCXXII. contigit, delatus ad Saxones Vetinenses cum tractu, sive
ut patro more loquimur, Circulo electorali (terra VVittenberg in pleris-
que tabulis) et palatinatu veteris Saxoniae, propter quem Elector Saxo
Interregis Teutonici et Vicarii dignitatem habet, ac suo et proprio iure
administrat. Quorum spectant diplomata investiturarum et infeuda-
tionum, quae in tabulario nostratis castri asservantur. De palatinatu Alste-
tensi in Thuringia sito, exponunt fere omnes: quanquam hic Vetinensi-
bus diu ante concessus collatusque est cuius initium concessionis factum
est anno MCLXXVIII. Quo tempore ducatus Saxoniae nondum fu-
it apud Vetinenses, ne apud Ascanios quidem, ad quos anno MCLXXX.
est delatus. E diverso alii eum in Comitatu finitimo Brenae quaeren-
dum putant, sed nusquam Brena inter Vrbes palatinatus sede praeditas
numeratur, neque speculo, quod dicitur, Saxonico, inter eas commemo-
ratur. Quinque enim hoc tali honore insignes extiterunt, Grona, cis
Visurgim Brunsvicensis ditionis, Verla, sive VVerliz, trans Visurgim in-
ter Lippiam et Ruram, in Arensbergico Vestphaliae comitatu, cuius pa-
latinata dignitas postea Goslariam delata: VValhusium, seu VValhausen,
castellum Germaniae vetus, et burgi nomine appellatum, tractuque Har-
zico comprehensum: Alstetum, sive Alstede, vetus Thuringiae oppidum,
et orientali Saxoniae propinquum, et a Friderico Aenobarbo, Palatina-
tus Saxonici titulo ac dignitate cohortatum: denique Merseburgum
oppo-

oppidum montanum , et perantiqvum ad Dimolam fl. fano qvondam Irmensulae cultum, in veteri Saxonia trans Visurgim. V. H. Meibomius, in eadem Saxonia multum diligenterque versatus, Irmens. Saxon. cap. XIII. Hugus ergo instituti est *Palatinatus* duntaxat quartus, in Thuringiae oppido fundatus olim ac firmatus, atque a Ducibus et Electoribus Saxonis Vetinensis, constanter et perpetuo servatus. Qvamvis enim castrum oppidumque Alstetense, in alienam ditionem venerint, atque adeo in familiam Saxo-Vinensem, translata fuerint, non tamen ius illud *Palatinatus* Saxonici maximum ac summum, propter qvod tempore interregni, Elector Saxo pro Imperatore, ut Rege Germaniae curat, simul abalienatum est, qvippe qvod, salvis electoratus sextirationibus, non abalienari, neqve auferri potest. Ex formula ceteroquin transactionis, inter Augustum El. Sax. et Ioannem Fridericum Ducem Sax. seniorem, eiusque filios, anno MDLIV. Naumburgi initae, constat, Electorem cessisse tunc possessione Alstetensis castri, qvod ad ducatum Electoralem pertinebat. Frid. Hortlederus de causis belli Germanici l. V. c. 22. Sed qvia dignitas *Palatinatus* perpetuo nexu cum ducatu electorali, et Vicariatu Imperii coniuncta est, tacite saltem excepta intelligitur, qvem admodum id necessario iuris argumento liquet. Cessionis exemplum attulit Benedictus Carpzovius IC. et post eum Christianus Gastelius de publ. statu Europae cap. XVII. Inter reliquias Saxoniae familias antiquitate generis, et gloria maiorum in primis eluxit Vetinensis, ac diutissime in possessione et usu *Palatinae* dignitatis fuit, qvam sententia Friderici I. Imp. Henrico Leoni ademptam, secundis rebus genti suae intulit Hermannus, Thuringiae princeps et *Landgravius*, cuius posteri et successores hunc titulum uno tenore, et perpetua temporum serie retinuerunt, eundemque cum iure successionis in Thuringiam, Vetinenses Mifniae Principes et Marchiones acquisiverunt, auspicio Friderici II. Hohenstauffi, qui duos principatus Henrico illustri dicto contulit, *Landgraviam Thuringiae*, et *Comitiam Palatii Saxoniae*, confessio ad eam rem ^{† in MS. dīplomate legi, Comaciā am.} concessionis instrumento, necdum iniuria temporum deleto.* Primus * A. M. CC deinde Vetinensium Dux et Septemvir Fridericus bellicosus, concessu beneficioque Sigismundi Imp. potentiam suae domus, et splendorem ducatus, atque septemviratus Saxonici, magnopere adauxit, nec modo ^{XLII. ult.} Junii Benventi. *Palatinatum* Alstetensem in Thuringia conditum, sed etiam reliquas *q̄ius accessiones et partes, in nostratis Saxoniae tractu sitas,* (Omittopam-

lati-

latinatum Sommerschburgensem in metropoli Magdeburgica, olim relatum ad veterem Saxoniae palatinatum, ut et Gozecensem, quorum neuter tamen, quod observari debet, in speculo commemoratur) vicinumque, et principali dignitate Burggraviatum Magdeburgicum, cum hereditariis principatibus, et amplissimis regionibus coniunxit. Hinc nova insignia, tituli que sumpti, et auctoritatis in sacro Imperio, atque in summo Imperii senatu eminens, eaque Archiprincipis et Archimareschalli perpetua, ac regiae proxima, et altissimis territorii radicibus defixa, ac semper valitura. V.P. Albinus, G. Fabricius, Cyriacus Spangenbergius, Baltazar Mencius, Benjamin Leuberus, et diplomata speciatim Sigismundi et Maximiliani I.

XI.

Exinde perspicuum est, Saxones Vetinenses antiquissimo Comitum genere ortos, et quod plurimum in hac causa vallet, in Saxonia semper fuisse indigenas, quorum maiores Principum gloriam aeqvarunt, et principali dignitate aestimati, diu propter Salam confederunt, atque hinc in Misniam, singularibus procerum studiis, acciti, et auctoritate Lotharii Saxonis, Marchiones Misniae inauguriati, summas in republica partes, etiam conturbatis Imperii rationibus, gesserunt, pristinumque Saxonum morem, habendis comitiis, servarunt.

* Non piget referre, quod in primis commemoratu dignum est, Comites Vetinenses haud aliter, atque Tirolenses et Hennebergicos, cum Principibus exaequatos, apud Ioach. Leuberum in originibus Budissini, cap. 3. Ita legamus licet, Comitem dici pro Landgravio, ac principe, apud Albertum Stadensem, et Monachum Lauterbergensem. Accedit, quod hi Comites origine stirpis, e dignitate omnes vicinos, atque ipsos etiam Nordalbingiae Comites, anteirent, nullisque Ducibus, nec praesulibus obnoxii essent. Ne dicam, plerosque eorum principali honore functos, priusquam consequerentur Marchiam Misnensem. Alia taceo, quorum venit in mentem, quae non vana opinione ac fama veterum celebrantur. Vnum ex multis profero, quod Lusatiam Marchiae et principatus titulo, diu ante Misniam tenuerunt, et titulo etiam plerunque insigniori ab aliis Comitibus sese distinxerunt, id quod ex antiquis Vetinensium tabulis, non ostentationis, sed veritatis, veterisque exempli

empli causa admonendum duxi. De Comitiis provincialibus nostris
tum Saxonum, nostra memoria usus confirmat, Saxones exempla ma-
iorum seqvi, et formam rationemque regendi optimam, legibus con-
stitutam tueri, in eoque *congentiles suos, Anglos, ut Cranzius lib. I. c. 6. me-*
tropolios nominat, imitari, quod apte, et institutis mediterraneorum Sa-
xorum congruenter apparet, et declarari potest ex partitione regionis,
in certos comitatus ac tractus, praefecturas et circulos facta, quae imagine
quadam transmarinorum Saxonum *hiras* refert. *V. Antonius VVec-
ke in descriptione eleganti Vrbis et regiae Sax. electoral. Dresdensis.* Quem-
admodum vero Misniae Ordines Conrado Vetinensi, huius nominis
magno, et primo Misniae, ac postliminio coniunctae Lusatiae Marchio-
ni, non solum vicinitatis, sed etiam necessitudinis iure, et proper arctissi-
mam familiae sangvinisque cum Dedone et Henrico Marchionibus
coniunctionem, bene cupiebant, seduloque operam dabant, ut Conra-
dum in Misniam deducerent, atque auspicio Lotharii Saxonis, quod
Ann. MCXXVII. accidit, in principatus sede, et tranquilla possessione
collocarent: sic An. MCCXLVIII. eadem fide, et voluntate, cum Thu-
ringis Optimatibus coniuncti, Henricum illustrem in adipiscendo Thu-
ringiae principatu consiliis viribusque adiuyabant: utrique promissi fi-
de, iurisque iurandi religione servata, negotium multo gravissimum
explicabant, neque ab ea integritate et constantia ullius metu periculi,
aut persuationibus se deduci patiebantur. Qvibus rebus confirmati
principes, *Landgravii et Marchiones*, amore suorum tuti, nihil unquam
ab insidiis et coniurationibus civium timuerunt, quod alibi, si nostra-
tem excipio Saxoniam, non perinde est factum. Comitia quidem pro-
vincialia inde a Conradi M. et Ottonis F. aetate extra vrbes, principum
sede cultas, habita et finita sunt, non suspicionis, metusve causa, sed quia
sic pro conditione temporum, et imminentis periculi, publicis patriae
rationibus expediebat. Qvin et prioribus aliquando seculis, Dresdena
eo delecta, et comitiis frequentata est, maxime ab Henrico illustri, atque
ab Alberto, auspicatissimo propaginis suae conditore. Aliqui Princi-
pum extra hanc Vrbem Domicilium habuerunt, et comitia alio indixe-
runt, plerunque Culmizium, in agro Oschatiensi situm, quo convenie-
bant, et sub dio, more veterum, deliberabant. Interdum Dolizii prae-
sto erant apud Osterlandos, qui orientalem Misniae partem, a Luficensi
diversam, incoluerunt. Haud secus adibant Lomacium, Misenam,

C

Lipsiam,

Lipsiā, Naumburgum, Dobelam, atque alias minores vrbes, si graves ad consultandum causae suppeterant, illae praeſertim, quae ad tranquilitatem patriae, et ad census publicos pertinebant. *Ant. VVecke Part. IV. tit. 6.* Anno demum MCCCCXXVI. ad hos insignes, et antiquos Imperii principatus, accessit ducatus electoratusque Saxoniae, cum summo Archimarisballatus, et Palatinatus munere atque officio coniunctus, multis gravibusque de causis concessus collatusque Friderico Vettensi, magno ex celsoque animo Principi, et egregiis bello editis factoribus, nomen bellicosí adepto, ac vetustissimo Saxonum generi necessitudine innexo, et luculentas Saxonici nominis dignitates, etiam ante ducatum Saxonum consecuto, maiorumque successione, in palatinatu Saxoniae, confirmato, hereditaria lege Burggravio, in Saxonia ac Misnia, ante acquisitum Burggraviatum Magdeburgicum: id quod, praeter vetustissimum Vettini Burggraviatum, Vettensibus gentilitium, comprobant Burggraviatus Misnae et Domini, iure ac ditione Misnensis principatus comprehensi. Propter has et alias dignitates, cum stirpe Saxonica Vettensi consociatas, et perpetuo arctissimoque nexu copulatas, non modo in Germania, verum etiam in universa, quae cultos et Christianos Principes habet, Europa, Duces Saxoniae, omnes alios Duces iure praecedunt, et vetustate generis, ac splendore insignium vincunt, quippe in Saxonia Aborigenes, et in nobilissima Germaniae parte indigenae, et veterum Ostphalorum vicini, consilio, fortitudine praecipiū, quorum dominia praeceteris eminent, et territoria conclusa sunt, et maximis summisque Imperatorum Regumque privilegiis, quae ad omnes eorum ducatus pertinent, multis ab hinc seculis munita, semperque continuata, et cum iure non evocandi coniuncta, neque externis tribunalibus obnoxia, et summae stirpis, regiique fere splendoris argumenta. Quorum accedunt dignitates Imperii vocantis administrandi, Circuli Sup. Sax. dirigendi, primos ordines ducendi, gladii imperialis praefrendi, iura et alia quaedam singulariter moderandi, curandi ac protegendi, quae penes Electorem sunt, et totam simul stirpem lumine suo collustrant. De his et aliis tradunt passim explanatores Saxonici iuris, et ab initio pleraque ultimis repetunt scriptores domestici, rerumque suarum sagentes, quorum vestigia secutus sum, et mediocrem in eo genere operam, quoad fieri potuit, declaravi.

35) o (55

raves
qvil-
Part.
iqvos
sum-
niun-
Veti-
faci-
ri ne-
m an-
alati-
nia ac
qvod,
tium,
Inen-
stirpe
copu-
ltos et
Duces
cunt,
te in-
cipui,
et ma-
omnes
perque
tribu-
menta.
Circuli
raefe-
tegen-
collu-
et ab
umfa-

D
is off

1771

OK TH 2913 a

VDTZ n. 2



4
 cordiae st
 ut vel hac
 et feroce.
 * Pri
 cap. II. Cae
 bellorum f
 nec Romar
 ea rebus ge
 et scribend
 accidit, ub
 Haud tran
 cesserent, e
 Zosimus l. I.
 praestare o
 partem Sax
 timis, pro e
 idoneus dif
 Atheniense
 ditionis fo
 Qvadis eoc
 chos legi n
 securi sunt
 ingenio m
 qvi nescio
 nes tunc re
 novum de
 ab incepto
 permulta i
 magno co
 Hieronymu
 sius, quam
 bellum Syn
 laudavit,
 Sidonius l. I.
 describit.
 causa fuit,

Kodak
 LICENSED PRODUCT
 Black

© The Tiffen Company, 2000

KODAK Color Control Patches

3/Color
 White

Magenta


Red

Yellow

Green

Cyan

Blue



er, et bellicosos,
 icae invidia, feri
 n Geograph. lib. II.
 his tradunt, qvod
 entio transigerent,
 oppugnarent post
 nanis causam belli,
 erante Diocletiano
 Cutropius l. IX. c. 13.
 Francos Salios la
 one, adniterentur.
 orporisqve viribus
 Chamavos, veterum
 et Sarmatarum fini
 rae civit Julianus, et
 natum populumqve
 , et Gallicae expe
 . 9. et paulo post de
 as, Cluverius Cau
 v. l. c. 21. Qvem
 i utique lectione et
 st Aeg. Bucherius,
 n. l. X. c. 10. Saxo
 acta, Valentianio
 c. 32. Nec postea
 bello etiam navalii
 ntulerunt. Qvod
 c. 8. et XXVIII. c. 5.
 Cassiodorus et Oro
 Respexit ad hoc
 tes Theodosii, qvem
 iconis. Apollinaris
 s (naves piraticas)
 iti v. 370. Qvae
 aris Gallici, qvi Sa
 xones